

Samkomulag um breytingar á kjarasamningum milli aðildarfélaga ASÍ og SA

Í samningunum eru ákvæði sem segja að í febrúar 2009 skuli fjalla um framlengingu samninga fyrir tímabilið 1. mars 2009 til 30. nóvember 2010. Samningarnir framlengist til 30. nóvember 2010 hafi samningsforsendur staðist. Nú liggur fyrir úrskurður forsendunefndar um að þær hafi ekki staðist og skulu samninganefndir ASÍ og SA því leita samkomulags um viðbrögð til að stuðla að framgangi markmiðs samninganna um lága verðbólgu og hækjun lægstu launa, festa forsendur þeirra í sessi og tryggja að þeir haldi gildi sínu.

Efnahagskreppan í landinu hefur gerbreytt afkomu heimila, starfsskilyrðum atvinnulífs og forsendum fyrir atvinnustigi og launagreiðslum. Atvinnuleysi hefur vaxið hratt og kaupmáttur launa rýrnað þannig að hagur heimila hefur versnað stórgæð. Mikil verðbólga hefur kippt forsendum undan kjarasamningunum sem gerðir voru 17. febrúar 2008 og síðar á því ári og náist ekki samkomulag milli samningsaðila um viðbrögð getur hvor aðili um sig tilkynnt hinum að ekki sé vilji til framlengingar og fellur samningurinn þá úr gildi frá lokum febrúar 2009.

Framundan er mikil varnarbarátta og erfiðleikar í atvinnulífi og hjá heimilum. Útlit er fyrir að fjöldi fyrirtækja verði gjaldþrota á næstunni og geta þeirra sem eftir standa til þess að standa undir launahækkunum er takmörkuð nema á kostnað atvinnustigsins. Á hinn bóginn er stöðugleiki á vinnumarkaði mikilvæg forsenda viðspyrnu í atvinnu-, verðlags- og gengismálum. Það er því mikilvægt framlag til stöðugleika í efnahagslífinu að hratt dragi úr verðbólgu þannig að vextir geti lækkað, að kjarasamningar haldi og friður verði á vinnumarkaði.

Við þessar aðstæður er þörf á samstilltu og öflugu átaki í efnahags-, atvinnu- og félagsmálum til þess að komast í gegnum áfallið og leggja grunn að betri framtíð fyrir heimili og atvinnulíf. Fulltrúar allra helstu aðila á vinnumarkaði hafa áhuga á slíku uppbyggilegu samstarfi og en ljóst er að bíða verður nýrrar ríkisstjórnar að afloknum kosningum í lok apríl.

Samtök atvinnulífsins hafa skýrt frá því, að þau treysti sér ekki til þess að standa við launalið kjarasamninganna á þeim tímasetningum sem um var samið. Hafa samtökin jafnframt óskað eftir því að umsömdum launahækkunum verði frestað þar til síðar á þessu ári og því næsta, til þess að markmið samninga um lága verðbólgu og hækjun lægstu launa nái að fullu fram að ganga og verði komnar að fullu fram fyrir lok samningstímans. Við þessar aðstæður hefur samninganefnd ASÍ ekki talið rétt að ljúka endurskoðun kjarasamninga og ákveða þar með endanlegar dagsetningar launahækkana fyrr en stefna nýrrar ríkisstjórnar í efnahags-, atvinnu- og félagsmálum liggar fyrir.

Í ljósi ofangreindra aðstæðna hafa samninganefndir ASÍ og SA ákveðið að fresta endurskoðunar- og framlengingarákvæði samninganna þannig að fyrir lok júní 2009 verði samið um endanlegar dagsetningar launahækkana út samningstímann. Launabreytingar sem taka áttu gildi 1. mars 2009 freistist að sama skapi en þó þannig að lágmarkstekjutrygging fyrir fullt starf hækki í kr. 157.000 á mánuði frá 1. mars 2009 og önnur ákvæði samninganna komi til framkvæmda, þ.m.t. lenging orlofs.



**Með vísan til þessa hafa SA og samninganefnd ASÍ náð eftirfarandi
samkomulagi um breytingar á kjarasamningum milli aðildarfélaga ASÍ og SA
gerðum 17. febrúar 2008 og síðar**

Endurskoðunar- og framlengingarákvæði samninga freast og skal vera lokið eigi síðar en fyrir lok júní 2009. Takist samkomulag um framlengingu, skal samhliða liggja fyrir ákvörðun um tímasetningu umsaminna launabreytinga. Því freast launabreytingar sem taka áttu gildi 1. mars 2009 þar til slíkt samkomulag um framlengingu liggur fyrir. Þrátt fyrir þessa frestun skal lágmarkstekjutrygging fyrir fullt starf hækka í kr. 157.000 á mánuði frá 1. mars 2009 og önnur ákvæði samninganna koma til framkvæmda, þ.m.t. lenging orlofs.

Reykjavík, 25. febrúar 2009

F.h. samninganefndar
Alþýðusambands Íslands










F.h. Samtaka atvinnulífsins


